



# Te Whakaiti i te Kino o ngā Pokies

Tuhinga Matapaki Tūmatanui  
Whakarāpopoto



E hiahia ana te Kāwanatanga ki te mōhio i ō whakaaro me pēhea te tiaki i te hunga e peti ana i runga i ngā mīhini petipeti.

E whakaaro ana mātou ki te whakarerekē i ngā waeture (tikanga) e pā ana ki te ārai me te whakaiti i te kino i ngā mīhini petipeti i ngā karapu, ngā wāhi inu me ngā whare TAB NZ.

### He aha te raru?



He pūtake whakakino te peti i runga mīhini petipeti mō ētahi - kino ā-pūtea, ā-pāpori, me ētahi atu ara. Ka whaihua ake pea ngā waeture o te wā nei ki te ārai me te whakaiti ake i tēnei kino. Nō te hekenga o te wā, kua kitea ake ngā āputa, ā, he rehurehu ētahi o ngā waeture.

Hei tauira, kāore i āta tautuhia ngā tohu o te kino kia hoputia, hei āwhina ki te tautuhi i tētahi kaipeti kino. He hārakiraki hoki te whakangungu kaimahi tirotiro mahi petipeti. Kāore hoki he whiu ina takahia e tētahi ngā ture.

Ko te tikanga o tēnei, tērā pea e wheako ana ētahi i te kino e taea ana te ārai ake.

### He aha ngā whakaaro o te Kāwanatanga mō ngā mahi nei?



E whakaaro ana te Kāwanatanga tērā ngā āheinga hei whakapakari ake i ngā tikanga e pā ana ki te whakahaere mīhini petipeti. Hei tauira, ka rite pea ngā tikanga takohanga hautū petipeti ki ngā tikanga takohanga hautū waapiro.

Tērā ētahi taputapu, kōwhiti rānei e haumaru ake ai te petipeti mā te whakaiti i ngā āhuatanga waranga, me te roa o te wā me te moni hoki/rānei e whakapaua ana. Ko ētahi tauira ko te: ū kia iti noa te pūtea, te wā rānei ki te mahi petipeti, ā, me ngā wā whakatā ka uruhitia.

E kore pea e whaihua tētahi taputapu kotahi. I a koe e hautū waka ana, me mau tātua, me whai tohu whakamana, me ū ki ngā tepenga tere hoki e noho haumaru ai koe. Ka pērā anō pea te whai whakaaro ki ngā taputapu hei whakahaumaru i ngā mahi petipeti.



# Ō mātou whakaaro hei whakahoki kōrero māu



He whakaaro ō te Kāwanatanga hei āwhina ki te whakaiti ake i te kino i ngā mīhini petipeti kei ngā wāhi inu waapiro, ngā karapu, ngā whare TAB hoki, mā te panoni i ngā herenga ka whakaurua ki ngā waeture whakaiti kino. E rapu ana tēnei whiriwhiri kōrero i ū whakaaro mo ēnei. Kei te pīrangī hoki mātou ki te mōhio mehemea he whakaaro anō ū. E toru nga take arotahi.

## 1. Te whakaiti i te kino o ngā mīhini i ngā wāhi petipeti

E whakaaro ana te Kāwanatanga ka taea te hiki ake i te mahi tautuhi i te kino petipeti, ā, me te whakatika. E whakaatu ana ngā raraunga, he mokorea te kite i ngā kaimahi wāhi inu waapiro, karapu rānei, e kōrero ana ki te hunga petipeti mō te nui o te pūtea e whakapaua ana. Tērā pea e hiahiatia ana tētahi aronga mārama ake, kia māmā ake mā ngā kaimahi e tiaki i ana i ngā mīhini i ngā wāhi inuinu me ngā karapu ki te tautuhi me te urupare ki ngā tohu o te kino. Ko ngā pātai matua:

- He aha ngā taputapu hei āwhina i ngā kaimahi ki te tautuhi, ā, me te mōhio me aha, mēnā kua kino haere te mahi petipeti a te tangata?
- Me pēhea te hiki i ngā mahi pupuri pūkete hei whaiwhai me te tautuhi i te petipeti kino?
- Me pēhea te hiki i ngā whakangungu mā ngā kaimahi e tirotiro ana i ngā mīhini petipeti?
- Me pēhea te whakamahi pai ake i te whakakorenga, me te whakakorenga ā-whaiaro?

## 2. Te whakaiti i te kino i ngā mīhini petipeti

Me whakaatu ngā mīhini petipeti i ētahi tūmomo mōhiohio me ngā āhuatanga pēnei i ngā tūwehe o te toa, te roa rānei e petipeti ana te tangata. He pānga pea tō ngā rama, ngā oro me ngā 'huringa kore utu' ki te roa o te wā e petipeti ana te tangata, ā, me te nui o te peti i ia tākarō. Tērā hoki ngā āwangawanga he akiaki nui tō ngā putunga moni ki te petipeti kino. Ka āwhina pea te waeture i ēnei āhuatanga ki te aukati me te whakaiti i te kino o te petipeti.

Ko ngā pātai matua:

- Ka taea e ngā whakarerekētanga ki ngā āhuatanga o ngā mīhini petipeti te āwhina ki te whakaiti i te petipeti kino? He aha ngā whakarerekētanga ka tino whaihua?
- He aha ngā whakarerekētanga pai hei ārai atu i te kino mai i ngā putunga moni?

## 3. Te whakaiti i te kino o ngā mīhini petipeti mā te whakakaha i te tūtohutanga (ngā whiu me te uruhitanga)

I tēnei wā, he iti noa iho te wāhangā o ngā hara i roto i te Ture Petipeti mō te takahi i ngā herenga whakaiti tūkino.

Tērā te āheinga ki te whakauru i ngā hāmenetanga whiu hou e noho haepapa ai ngā kaiwhakahaere.

- He aha ngā whiu me ngā hāmenetanga ka tautoko pea i ngā waehere hou, o te wā nei hoki?
- Me noho haepapa ngā kaiwhakahaere whare petipeti / pāpori mō te aha?



## Te hōkaitanga o tēnei kaupapa

E hāngai ana tēnei whiriwhiri kōrero ki te whakarerekē i ngā waeture onāianei e pā ana ki te ārai me te whakaiti i te kino i ngā mīhini petipeti i ngā karapu, ngā wāhi inu me ngā whare TAB NZ. E whakaaro ana te Kāwanatanga ki te whakarerekē i ēnei waehere i te tuatahi, i mua o te whai whakaaro mēnā e hiahiatia ana ētahi atu panonitanga toro whānui ki te ture petipeti.

## Ka pēhea te whakamahinga o āu tono?

Ka āwhina ō whakaaro i a mātou ki te whakawhanake i ētahi kōwhiringa mō te panoni kaupapahere. Ka whakaaro hiahiatia ana ētahi atu panonitanga toro whānui ki te ture petipeti. I muri i tērā, tērā pea ka hangaia ētahi waeture hou mō ngā mīhini petipeti.

## Ka whakaputaina rānei e mātou tō tono?

Whakaputaina ai ngā tono katoa ki te paetukutuku a Te Tari Taiwhenua. Ka herea hoki ngā tono ki raro i tētahi tono i raro i te Official Information Act 1982.

Mēnā he kōrero whaiaro, arumoni rānei kei roto i tō tono, ā, kāore koe i te hiahi kia tukuna, tēnā whakamōhio mai i roto i tō tono.

Tēnā tirohia te whārangī 30 o te tuhinga matapaki nui mō ētahi atu mōhiohio.

### E hiahi ana koe ki ētahi atu taipitopito mō ngā take me ngā kōwhiringa?

Ka taea e koe te tuhinga whiriwhiri matua i runga i te ipurangi:  
[dia.govt.nz/reducingpokiesharm](http://dia.govt.nz/reducingpokiesharm)

Ka taea hoki e koe te tono i tētahi kape ā-pepa mā te whakapā kore utu mai ki a mātou i 0800 25 78 78 (Aotearoa anake) me te tono ki te kōrero ki te Rōpū Kaupapahere Petipeti (9am – 5pm anake).

### Haere ki tā mātou paetukutuku

[www.dia.govt.nz/Gambling](http://www.dia.govt.nz/Gambling)

### Tukuna mai tō tono

Te Rōpū Kaupapahere Petipeti

Te Tari Taiwhenua

Pouaka Poutāpeta 805

Te Whanganui-a-Tara 6140

Rā kati mō ngā tono: te 28 o Pāenga-whāwhā 2022

